



RÍKISLÖGREGLUSTJÓRINN

ALMANNAVARNADEILD



Berist til: Fjölmíðlar, almannavarnir.is, stjórnsýsla og tengiliðir sóttvarnalæknis.

STÖÐUSKÝRSLA

Dags: 29.01.2020

Kl.: 12:00

Staðsetning: Samhæfingarstöð/Embætti landlæknis/Sóttvarnalæknir,

Óvissustig vegna kórónaveiru (2019-nCoV)

Lýsing á atburði

Í lok desember 2019 bárust fregnir af alvarlegum lungnasýkingum í Wuhan-borg í Kína. Í kjölfarið var staðfest að um áður óþekkt kórónaveiruafbrigði er að ræða, sem nú kallast 2019-nCoV. Staðfest er að veiran smitast á milli manna og að hún getur valdið alvarlegum veikindum. Faraldurinn breiðist hratt út en enn sem komið er hafa flest tilföll greint í Kína. Sóttvarnastofnun Evrópusambandsins (ECDC) og Alþjóðaheilbrigðismálastofnunin framkvæma áhættumat daglega og miðla niðurstöðu til sóttvarnaryfirvalda. Ekkert smit hefur verið staðfest á Íslandi.

Í ljósi þessara upplýsinga lýsti Ríkislögreglustjóri yfir óvissustigi almannavarna þann 27. janúar 2020 í samráði við sóttvarnalækni og embætti landlæknis vegna kórónaveiru (2019-nCoV).

Unnið er samkvæmt viðbragðsáætlun almannavarna, Landsáætlun CBRNE – Lýðheilsa og öðrum fyrirliggjandi viðbragðsáætlunum, s.s. sóttvarna fyrir alþjóðaflugvelli. Samráðsfundir Sóttvarnalæknis eru haldnir daglega.

Samantekt

- Almanna-Varnadeild ríkislögreglustjóra
- Embætti landlæknis / Sóttvarnalæknir. [Sjá upplýsingasíðu](#)
- Landspítalinn - smitsjúkdómadeild
- Heilsugæsla höfuðborgarsvæðisins
- Rauði Krossinn
- Heilbrigðisstofnanir
- Heilsuvera
- Læknavaktin
- Flugsamgöngur Keflavíkurflugvöllur
- Ferðaþjónustuaðilar
- Utanríkisráðuneytið

Staða mála

Kórónaveira – útbreiðsla erlendis

Í dag 29. janúar 2020 hefur sýking af völdum 2019-nCoV verið staðfest hjá um 6.072 einstaklingum og um 132 einstaklingar hafa látist (2,3%). Auk þess eru upplýsingar um alvarleg veikindi hjá fjölda einstaklinga.

Tilföllin sem greint hafa eru frá Kína (5.994), Taívan (8), Taílandi (14), Ástralíu (5), Malasíu (7), Singapúr (7), Frakklandi (4), Japan (7), Suður-Kóreu (8), Bandaríkjunum (5), Víetnam (2), Kanada (3), Nepal (1), Shrilanka (1), Kambodía (1), Sameinuðu arabísku furstadæmin (1) og Þýskaland (4). Lang flest tilföllin eru upprunnin í Kína.



RÍKISLÖGREGLUSTJÓRINN

ALMANNAVARNADEILD



Sóttvarnalæknir mælir með að ferðamenn sleppi ónauðsynlegum ferðalögum til svæða þar sem faraldur nýrrar kórónaveiru 2019-nCoV er í gangi, sérstaklega Kína. [Nánar.](#)

Utanríkisráðuneytið – sendiráð Íslands í Peking kemur boðum til Íslendinga í Kína ef koma þarf upplýsingum á framfæri. Sendiráðið hefur sett inn tilkynningar á samfélagsmiðla (sjá Facebook <https://www.facebook.com/utanrikishjonustan/>) og vef þar sem fólk er bent á að skrá sig hjá borgarþjónustunni á netfanginu help@mfa.is. Þannig fjölgar sendiráðið þeim Íslendingum sem þau geta auðveldlega náð til ef þörf er á.

Ísland

Enginn einstaklingur hefur enn sem komið er greinst á Íslandi.

Sóttvarnalæknir (SVL) gerir ráð fyrir að veiran muni berast hingað til lands og því mikilvægt að grípa til ráðstafana til að hefta útbreiðslu hennar sem mest hér á landi. Engar aðgerðir munu hins vegar tryggja að veiran berist ekki hingað til lands.

Á fundi sóttvarnalæknis og almannavarnadeildar RLS var í morgun tekin ákvörðun um að vinna eftir [landsáætlun fyrir heimsfaraldur inflúensu](#). *Áætlunin styðst við lög um almannavarnir nr. 82/2008 og sóttvarnalög nr. 19/1997. Gert er ráð fyrir að atvinnulíf í landinu verði skert í ákveðinn tíma, hluti þjóðarinnar verði rúmfastur vegna veikinda og dánartíðnin verði umfram það sem búast má við í venjulegu árferði.* Viðbrögð yfirvalda hér á landi beinast að því að hindra sem mest komu veirunnar og útbreiðslu innanlands, tryggja heilbrigðisþjónustu fyrir veika einstaklinga og viðhalda nauðsynlegri starfsemi innanlands.

Á fundinum var rætt um áhrif þess að loka landinu fyrir flug og skipaumferð og áhrif þess á þjóðfélagið. Áætlað er að faraldur sem þessi gangi yfir á 2-3 mánuðum og gæti lokun landsins hugsanlega orðið til a.m.k. 6 mánaða. Ekki er talið raunhæft að grípa til slíkra aðgerða. Ákvörðun um slíkt yrði tekin ávallt tekin í samráði við stjórnvöld.

Notaðar verða margvíslegar leiðir til að ná til einstaklinga hér á landi eða við komuna til landsins sem hafa verið á þeim svæðum þar sem faraldur nýrrar kórónaveiru 2019-nCoV er í gangi, sérstaklega Kína. Unnið er að undirbúningi SMS skilaboða sem munu berast í alla farsíma á landinu, bæði innlend símanúmer og erlend. Er það fyrst og fremst gert til að komast í samband við erlenda ferðamenn sem hafa verið í Hubei héraði eða á öðrum stöðum í Kína þar sem faraldurinn hefur greinst. Einblöðungi með leiðbeiningum til ferðamanna er einnig dreift í flugvélum, á Keflavíkurflugvelli og á öðrum alþjóðaflugvöllum hér á landi.

Ef einstaklingar finna fyrir veikindum er þeim bent á að hringja í **síma 1700 (fyrir erlend símanúmer +354 544-4113)** varðandi nánari upplýsingar og hvernig þeir eigi að nálgast heilbrigðiskerfið.

Þessir einstaklingar eru sérstaklega beðnir um að mæta ekki á bráðamóttöku sjúkrahúsa eða á heilsugæslustöðvar nema að fengnum ráðleggingum í síma. Einstaklingar með grunsamlega eða staðfesta sýkingu verða settir í einangrun skv. nánari leiðbeiningum. Einkennalausir einstaklingar sem hafa verið í samneyti við einstaklinga með staðfesta eða líklega sýkingu verða settir í sóttkví skv. nánari leiðbeiningum. Nánari upplýsingar um 2019-nCoV má finna á vef embættis landlæknis <https://www.landlaeknir.is/um-embættid/greinar/grein/item38806/Koronaveiran-2019-nCoV-%e2%80%93-Novel-coronavirus-2019-nCoV>

Sóttvarnalæknir vill hvetja einstaklinga á ferðalögum erlendis, sérstaklega í Kína að:

- Gæta vel að almennu hreinlæti, sérstaklega handþvotti.
- Forðast náið samneyti við einstaklinga sem eru með hósta og almenn kvefeinkenni.
- Forðast samneyti við villt dýr eða dýr á almennum mörkuðum.
- Nota pappír/klút fyrir vit við hnerra þegar um kvefeinkenni er að ræða og þvo hendur reglulega.
- Láta heilbrigðisstarfsmenn vita um ferðir sínar ef einstaklingar þurfa að leita til heilbrigðiskerfisins hér á landi.



RÍKISLÖGREGLUSTJÓRINN

ALMANNAVARNADEILD



Aðeins eru tekin sýni úr einstaklingum sem eru með einkenni veikinda. Ekki eru tekin sýni frá einkennalausum einstaklingum. Gert er ráð fyrir að eftir nokkra daga verði hægt að greina sýni hér á landi.

Viðbragðsáætlanir gera ráð fyrir að ef upp kemur sýking hér á landi er gert ráð fyrir að einstaklingur verði í einangrun í 10 daga eftir að hann hitalaus.

Almannavarnadeild ríkislögreglustjóra

Samhæfir aðgerðir í samstarfi við embætti landlæknis / Sóttvarnalækni

Embætti landlæknis / Sóttvarnalæknir

Unnið að samræmingu aðgerða og leiðbeiningum og efni fyrir almenning, heilbrigðisstarfsfólk, ferðaþjónustuaðila og aðra. Leiðbeiningar eru uppfærðar þegar þurfa þykir. Unnið að þýðingu efnis á kínversku.

Landspítalinn

Situr daglega samráðsfundi SVL, síðast þann 29.1. Unnið eftir hefðbundnum ferlum: Aðkoma, aðstæður, búnaður, bjargir.

Heilsugæsla höfuðborgarsvæðisins (HH) / Heilsuvera.is

Umdæmis og svæðislæknar (Umd/Svæ)-SVL á höfuðborgarsvæðinu situr dagl. samráðsfundi með SVL. Unnið að aukinni upplýsingamiðlun og viðbúnaði ef annast þarf sjúklinga/hafa þarf eftirlit með sóttkví í heimahúsi.

Keflavíkurlflugvöllur, alþjóðaflugvellir Akureyri, Egilsstaðir og Reykjavík.

Fundur 29.1 með starfsfólki alþjóðaflugvalla um sýkingavarnir og farið yfir viðbrögð og upplýsingaflæði. Upplýsingum/einblöðungum er varðar smitgát er dreift á ensku og íslensku til ferðamanna. (kínversk útgáfa í vinnslu). Undirbúningur er hafin að dreifingu SMS skilaboða á íslensku/ensku/kínversku til ferðamanna þar sem eru veittar upplýsingar um hvert á að leita.

[Upplýsingar á vef Embættis landlæknis.](#)

Ferðaþjónustuaðilar

Samráð við Ferðamálastofu sem er tilbúin til að dreifa upplýsingum í gegn um sína gagnagrunna til ferðaþjónustuaðila.

Heilbrigðisstofnanir á landsbyggðinni

Samráðsfundur SVL haldinn 28.1.

Læknavaktin

Símaþjónusta 1700 er hafin. Fyrir erlend símanúmer +354 544-4113.

Miðlar upplýsingum og tryggir svörun 24/7. Hafa samráð við HH um að tryggja að gang að vakthafandi lækni á nóttunni. BMT í Fossvogi hefur tekið við slíkum erindum en í faraldri þarf að tryggja vitjun í heimahús allan sólarhringinn.

Rauði Krossinn

Parfagreiningu v/einangrunaraðstöðu fyrir ferðamenn í hverju sóttvarnaumdæmi.